

中國方志叢書·華中地方·第一一四號

據清·上官廉等修·姚炳奎纂  
清·光緒三十三年刊本

影印

湖 南 省

# 邵陽縣鄉土志

(一)

成文出版社有限公司印行

99/5835  
sk84/06



\*10096989\*

中國方志叢書·華中地方·第一一四號

據

清·上官廉等修·姚炳奎纂  
清·光緒三十三年刊本

影印

湖 南 省

# 邵陽縣鄉土志



成文出版社有限公司印行



\*10096990\*

001.100

中華民國五十九年五月壹一版

# 邵陽縣鄉土志

全二册

發行人：黃 成 助

出版者：成文出版社有限公司  
台北郵政信箱二二六〇五號

台北郵政信箱二二六〇五號  
台北市羅斯福路三段279之二號  
電話：三七〇一三二號

印刷者：東南印製廠有限公司  
和平西路二段70巷83弄29號

內政部登記證內版台業字第一一四七號

上 卷 中 卷 下 卷



後編三十一卷下末

古勿開離人勿成書

邵陽縣鄉土志敘

光緒三十一年之夏

皇上以人才關國家元氣勸學興賢首在端其趨向擴其識見務使人人由愛鄉以知愛國

特允學務大臣轉奏令天下府廳州縣咸撰鄉土志一

書臣廉時任安化知縣敬謹從事邵陽當湖南西

南時知縣事為臣陳吳萃延縣人候選教諭臣姚

炳奎鄭重編纂從容商榷始於三十二年春初

未幾臣吳萃調長沙首善臣施啟宇接署縣篆冬

十一月臣廉復自安化改知邵陽時值頻歲饑饉

之後百務闡委臣炳奎先於四境山川阨塞險要

周覽考察已竟臣吳萃向發境內表冊舊圖敦屬

局團諸人士依式填注改正猶鮮至也臣迺與臣

炳奎熟商令其迅速纂輯至今歲春月已漸脫稿

至夏月臣廉清查烟戶名口亦已彙呈志於是

律告竣臣惟

皇上以人才關國家元氣勸學興賢首在端其趨向擴  
其識見務使人人由愛鄉以知愛國特令天下府

廳州縣咸撰鄉土志一書臣閱臣炳奎所撰志稿見其於編書局頒定例目尙屬敬遵不悖其闕訂正舊志訛誤如縣以在邵水陽名邵陽舊治自漢迄晉迄宋齊迄梁陳皆在今東鄉安上都邵水自係安上都桐江昔時以龍山水槎江水檀江水爲邵水源皆非近當舊治誤可不辨自明此頗發從前未發之覆他如龍山邵水源槎江水漣水諸源縣治東榦山脈入南鄉境處亦皆以履勘方得其實又如紀載氏族明初如梁德遠仕至九卿中葉

如唐鳳儀仕至川撫皆有政績皆祀鄉賢舊志原  
委並闕亦尙鉤稽考核足使人於鄉先達遺區昭  
昭在目羣深景仰是皆犖犖大端所係臣初飭人  
繕寫數分以內附有繪圖勢難迅速繼做

國初臣王鴻緒明史稿之例暫付手民以節諸費臣  
欽惟

皇上勸學興賢將使人才輩出爲

國家肩荷大事爲海內日臻富強日安磐石其源胥  
肇自教育教育胥肇自始基邵陽當湖南西南其

地爲衡嶽瀟水所經山川靈淑之氣鍾毓於人近  
頗蒸蒸漸進知必有應運而起異日宏宣偉績仰  
慰我

皇上棧樸作人至意於萬一者臣廉不佞尙當拭目俟  
之謹拜手稽首恭弁數語簡端

光緒丁未孟秋署湖南寶慶府邵陽縣知縣臣上官廉謹敘



邵陽縣鄉土志修纂銜名

主修

前署邵陽縣知縣郴州直隸州知州

臣陳吳萃

前署邵陽縣知縣補用知府

臣施啟宇

現署邵陽縣事靖州直隸州綏甯縣知縣

臣上官廉

協修

五品銜揀選知縣邵陽縣教諭

臣羅懋勳

國子監典簿銜邵陽縣訓導

臣張泰鴻

監修

五品銜現任邵陽縣典史 臣李紹烈

纂修

八旗官學漢教習候選教諭 臣姚炳奎

邵陽縣鄉土志例言

一是書敬遵 編書局頒定例目勉求無漏無冗不敢率易次第率逞臆見

一因地因時閒有增入例目所未及者如圖如表仍增各門之後不自列爲專卷

一政績兵事者舊本宜詳及近時以一手編纂期限有定姑就光緒元年縣志爲斷餘俟續增

一山川道里雖本府志縣志遇舊志訛誤顯然特以躬覽考察所及訂正尤望方聞大雅異日隨時隨

處其匡不逮庶加詳確。

一戶口物產商務各處填注已收表冊寥寥今但取本歲具呈煙戶清冊與凡見聞所及爲之闕畧知多弗免。

一做通鑑輯覽水道提綱二書式敘述先提要後申說不能提要者每事每人首一行頂格次行以下低一字眉目庶幾較清。

一政績諸人名下做通鑑輯覽式著其屬今何省何縣耆舊諸人並注明在今某鄉某處雖涉繁難義

例仍本舊史所有。

一志爲學校教育起見。今第求明晰易解。不用奇字。奧句。兼用近世諸書點句之式。期於農工商賈。亦可周知。

一是書門類敬遵。頒定例目。以歷史人類地理。該之。歷史首建置。終耆舊。人類首氏族。附戶口實業。宗教地理。首疆域。終物產。附以商務。

一是書分四卷。卷一爲建置。爲政績。爲兵事。爲耆舊。上卷二爲耆舊。下爲氏族。暨戶口實業。宗教。卷三

卷四  
二  
爲疆域爲山脈卷四爲水道爲道路爲物產商務  
列此庶便檢閱

縣人姚炳奎謹識